

psorum ad vos, tradite eos Simoni principi sacerdotum, ut vindicet in eos secundum legem suam ».

« Hæc ad eum scripta sunt Demetrio regi, et Attalo, et Ariarathi, et Arsaci ».

« Et in omnes regiones: et Lampsaco, et Spartiatis, et in Delum, et in Myndum, et in Sicyonem, et in Cariam, et in Samum, et in Pamphylum, et in Lyciam, et in Halicarnassum, et in Coo, et in Siden, et in Aradon, et in Rhodum, et in Phaselidem, et in Gortynam, et Guidum, et Cyprum, et Cyrenea ».

« Exemplum autem eorum scripserunt Simoni principi sacerdotum, et populo Judæorum ».

« Antiochus autem rex applicuit castra in Doram secundo, admoveus ei semper manus, et machinas faciens: et conclusit Tryphonem, ne procederet ».

« Et misit ad eum Simon duo millia virorum electorum in auxilium, et argentum, et aurum, et vasa copiosa »:

« Et noluit ea accipere, sed rupit omnia, quæ pactus est cum eo antea, et alienavit se ab eo ».

« Et misit ad eum Athenobium unum de amicis suis, ut tractaret cum ipso, dicens: Vos tenetis Joppem, et Gazaram, et arcem, quæ est in [Al. tac. in] Jerusalem civitates regni mei ».

« Fines earum desolastis, et fecistis plagam magnam in terra, et dominati estis per loca multa in regno meo ».

« Nunc ergo tradite civitates, quas occupastis, et tributa locorum, in quibus dominati estis extra fines Judææ ».

« Sin autem, date pro illis quingenta talenta argenti, et exterminii, quod exterminastis, et tributorum civitatum alia talenta quingenta: sin autem, veniemus, et expugnabimus vos ».

« Et venit Athenobius amicus regis in Jerusalem, et vidit gloriam Simonis, et claritatem in auro et argento, et apparatus copiosum: et obstupuit, et retulit ei verba regis ».

« Et respondit ei Simon, et dixit ei: Neque alienam terram sumpsimus, neque aliena detinemus: sed hereditatem patrum nostrorum, quæ injuste ab inimicis nostris aliquo tempore possessa est ».

« Nos vero tempus habentes, vindicamus hereditatem patrum nostrorum ».

« Nam de Joppe, et Gazara, quæ expostulas, ipsi faciebant in populo plagam magnam, et in regione nostra: horum damus talenta centum. Et non respondit ei Athenobius verbum ».

« Reversus autem cum ira ad regem, renuntiavit ei verba ista, et gloriam Simonis, et universa quæ vidit, et iratus est rex ira magna ».

« Tryphon autem fugit navi in Orthosida ».

« Et constituit rex Cendebeum ducem maritimum, et exercitum petiitum et equitum dedit illi ».

« Et mandavit illi movere castra contra faciem Judææ: et mandavit ei edificare Gedorem, et obstruere portas civilatis, et debellare populum. Rex autem persequebatur Tryphonem ».

« Et pervenit Cendebeus Janniam, et cepit irritare plebem, et conculcare Judæam, et captivare populum, et interficere, et edificare Gedorem ».

« Et collocavit illic equites, et exercitum: ut egressi perambularent viam Judææ, sicut constituit ei rex ».

CAPUT XVI.

« Et ascendit Joannes de Gazaris, et nuntiavit Simoni patri suo, quæ fecit Cendebeus in populo ipsorum ».

« Et vocavit Simon duos filios seniores, Judam, et Joannem, et ait illis: Ego, et fratres mei, et domus patris mei expugnabimus hostes Israel ab adolescentia usque in hunc diem: et prosperatum est in manibus nostris liberare Israel aliquoties ».

« Nunc autem senui: sed estote loco meo, et fratres mei, et egressi pugnate pro gente nostra: auxilium vero de celo vobiscum sit ».

« Et elegit de regione viginti millia virorum belligeratorum, et equites: et profecti sunt ad Cendebeum: et dormierunt in Modin ».

« Et surrexerunt mane, et abierunt in campum: et ecce exercitus copiosus in obviam illis peditem, et equitum, et fluvius torrens erat inter medium ipsorum ».

« Et admovit castra contra faciem eorum ipse, et populus ejus, et vidit populum trepidantem ad transfretandum torrentem, et transfretavit primus: et viderunt eum viri, et transierunt post eum ».

« Et divisit populum, et equites in medio peditem: erat autem equitatus adversariorum copiosus nimis ».

« Et exclamaverunt sacris tubis, et in fugam conversus est Cendebeus, et castra ejus: et ceciderunt ex eis multi vulnerati: residui autem in munitionem fugerunt ».

« Tunc vulneratus est Judas frater Joannis: Joannes autem insecutus est eos, donec venit Cedronem, quam edificavit »:

« Et fugerunt usque ad turres, quæ erant in agris Azoti, et succendit eas igni. Et ceciderunt ex illis duo millia virorum, et reversus est in Judæam in pace ».

« Et Ptolemæus filius Abobi constitutus erat dux in campo Jericho, et habebat argentum, et aurum multum ».

« Erat enim gener summi sacerdotis ».

« Et exaltatum est cor ejus, et volebat obtinere regionem, et cogitabat dolum adversus Simonem, et filios ejus, ut tolleret eos ».

« Simon autem, perambulans civitates, quæ erant in regione Judææ, et sollicitudinem gerens earum, descendit in Jericho ipse, et Matthathias filius ejus, et Judas, anno centesimo septuagesimo septimo, mense undecimo: hic est mensis sabbath ».

« Et suscepit eos filius Abobi in munitionem, quæ vocatur Doch, cum dolo, quam edificavit: et fecit eis convivium magnum, et abscondit illic viros ».

« Et cum inebriatus esset Simon et filii ejus, surrexit Ptolemæus cum suis, et sumpserunt arma sua, et intraverunt in convivium, et occide-

runt eum, et duos filios ejus, et quosdam pueros ejus ».

« Et fecit deceptionem magnam in Israel, et reddidit mala pro bonis ».

« Et scripsit hæc Ptolemæus, et misit regi, ut mitteret ei exercitum in auxilium, et traderet ei regionem, et civitates eorum, et tributa ».

« Et misit alios in Gazaram tollere Joannem: et tribunis misit epistolas, ut venirent ad se, et daret eis argentum, et aurum, et dona ».

« Et alios misit occupare Jerusalem, et montem templi ».

« Et præcurrens quidam, nuntiavit Joanni in Gazara, quia perit pater ejus, et fratres ejus, et quia misit te quoque interfici ».

« Ut audivit autem, vehementer expavit: et comprehendit viros, qui venerant perdere eum, et occidit eos: cognovit enim quia querebant eum perdere ».

« Et cætera sermonum Joannis, et bellorum ejus, et bonarum virtutum, quibus fortiter gessit, et edificiis murorum, quos exstruxit, et rerum gestarum ejus »:

« Ecce hæc scripta sunt in libro dierum sacerdotii ejus, ex quo factus est princeps sacerdotum post patrem suum ».

LIBER SECUNDUS.

CAPUT PRIMUM.

« Fratribus, qui sunt per Ægyptum, Judæis, salutem dicunt fratres, qui sunt in Jerosolymis, et [Al. tac. et] Judæi, et qui in regione Judææ, et pacem bonam ».

« Benefaciat vobis Deus, et meminerit testamenti sui, quod locutus est ad [Al. tac. ad] Abraham, et Isaac, et Jacob, servorum suorum fidelium »:

« Et det vobis cor omnibus, ut colatis eum, et faciatis ejus voluntatem corde magno, et animo volenti ».

« Adaperiat cor vestrum in lege sua, et in præceptis suis, et faciat pacem ».

« Exaudiat orationes vestras, et reconcilietur vobis, nec vos deserat in tempore malo ».

« Et nunc hic sumus orantes pro vobis ».

« Regnata Demetrio, anno centesimo sexagesimo nono, nos Judæi scripsimus vobis in tribulatione, et impetu, qui supervenit nobis in istis annis, ex quo recessit Jason a sancta terra, et a regno ».

« Portam succenderunt, et effuderunt sanguinem innocentem: et oravimus ad Dominum, et exauditi sumus, et obtulimus sacrificium, et similaginem, et accendimus lucernas, et proposuimus panes ».

« Et nunc frequentate dies scenopægiæ mensis casleu ».

« Anno centesimo octogesimo octavo, populus, qui est Jerosolymis, et in Judæa, senatusque et Judas, Aristobulo magistro Ptolemæi regis, qui est de genere christorum sacerdotum, et his, qui in Ægypto sunt, Judæis salutem, et sanitatem ».

« De magnis periculis a Deo liberati, magnifice

gratias agimus ipsi, utpote qui adversus talem dimicavimus ».

« Ipse enim ebullire fecit de Perside eos qui pugnaverunt contra nos, et sanctam civitatem ».

« Nam cum in Perside esset dux ipse, et cum ipso immensus exercitus, cecidit in templo Naneæ, consilio deceptus sacerdotum Naneæ ».

« Etenim cum ea habiturus venit ad locum Antiochus, et amici ejus, et ut acciperet pecunias multas dotis nomine ».

« Cumque proposuissent eas sacerdotes Naneæ, et ipse cum paucis ingressus esset intra ambitum fani, clausurunt templum ».

« Cum intrasset Antiochus: apertoque oculo aditu templi, mittentes lapides percusserunt ducem, et eos qui cum eo erant, et diviserunt membra, et capitibus amputatis, foras projece- runt ».

« Per omnia benedictus Deus, qui tradit impi- os ».

« Facturi igitur quinta et vigesima die mensis casleu purificationem templi, necessarium duximus significare vobis: ut et vos quoque agatis diem scenopægiæ, et diem ignis, qui datus est, quando Nehemias, edificato templo, et altari, obtulit sacrificia ».

« Nam cum in Persidem ducerentur patres nostri, sacerdotes, qui tunc cultores Dei erant, acceptum ignem de altari occulte absconderunt in valle, ubi erat puteus altus, et siccus, et in eo contatati sunt eum, ita ut omnibus ignotus esset locus ».

« Cum autem præterissent anni multi, et placuit Deo, ut mitteretur Nehemias a rege Persidis, nepotes sacerdotum illorum, qui absconderant, misit ad requirendum ignem: et sicut narraverunt nobis, non invenerunt ignem, sed aquam crassam ».

« Et jussit eos haurire, et afferre sibi: et sacrificia, quæ imposita erant, jussit sacerdos Nehemias aspergi ipsa aqua, et ligna, et quæ erant superposita ».

« Utque hoc factum est, et tempus affuit, quo sol refusit, qui prius erat in nubilo, accensus est ignis magnus, ita ut omnes mirarentur ».

« Orationem autem faciebant omnes sacerdotes dum consummaretur sacrificium, Jonatha inchoante, cæteris autem respondentibus ».

« Et Nehemiæ erat oratio hunc habens modum: Domine Deus, omnium creator, terribilis, et fortis, justus, et misericors, qui solus es bonus rex ».

« Solus præstans, solus justus, et omnipotens et æternus, qui liberas Israel de omni malo, qui fecisti patres electos, et sanctificasti eos »:

« Accipe sacrificium pro universo populo tuo Israel, et custodi partem tuam, et sanctifica ».

« Congrega dispersionem nostram, libera eos, qui serviunt gentibus, et contemptos et abominatos respice: ut sciant gentes, quia tu es Deus noster ».

« Afflige opprimentes nos, et contumeliam facientes in superbia ».

« Constitue populum tuum in loco sancto tuo, sicut dixit Moyses ».

« Sacerdotes autem psallebant hymnos, usquequo consumptum esset sacrificium ».

« Cum autem consumptum esset sacrificium, ex residua aqua Nehemias jussit lapides majores perfundi ».

« Quod ut factum est, ex eis flamma accensa est: sed ex lumine, quod refusit ab altari, consumpta est ».

« Ut vero manifestata est res, renuntiatum est regi Persarum, quod in loco, in quo ignem absconderant hi, qui translati fuerant, sacerdotes, aqua apparuit, de qua Nehemias, et qui cum eo erant, purificaverunt sacrificia ».

« Considerans autem rex, et rem diligenter examinans, fecit ei templum, ut probaret, quod factum erat ».

« Et cum probasset, sacerdotibus donavit multa bona, et alia atque alia munera, et accipiens manu sua, tribuebat eis ».

« Appellavit autem Nehemias hunc locum Nephthar, quod interpretatur Purificatio. Vocatur autem apud plures Nephi ».

CAPUT II.

« Invenitur autem in descriptionibus Jeremiæ prophætæ, quod jussit eos ignem accipere, qui transmigrabant: ut significatum est, et ut mandavit transmigratis ».

« Et dedit illis legem, ne obliviscerentur præcepta Domini, et ut non exerrarent mentibus, videntes simulacra aurea, et argentea, et ornamenta eorum ».

« Et alia hujusmodi dicens, hortabatur, ne legem amoverent a corde suo ».

« Erat autem in ipsa scriptura, quomodo tabernaculum, et arcam jussit propheta divino responso ad se facto comitari secum, usquequo exii

in montem, in quo Moyses ascendit, et vidit Dei hereditatem ».

« Et veniens ibi Jeremias invenit locum speluncæ: et tabernaculum, et arcam, et altare incensi intulit illuc, et ostium obstruxit ».

« Et accesserunt quidam simul, qui sequebantur, ut notarent sibi locum: et non potuerunt invenire ».

« Ut autem cognovit Jeremias, culpans illos, dixit: Quod ignotus erit locus, donec congreget Deus congregationem populi, et propitius fiat »:

« Et tunc Dominus ostendet hæc, et apparebit majestas Domini, et nubes erit, sicut et Moysi manifestabatur, et sicut cum Salomon petiit, ut locus sanctificaretur magno Deo, manifestabat hæc ».

« Magnifice etenim sapientiam traclabat: et ut sapientiam habens, obtulit sacrificium dedicationis, et consummationis templi ».

« Sicut et Moyses orabat ad Dominum, et descendit ignis de cælo, et consumpsit holocaustum: sic et Salomon oravit, et descendit ignis de cælo, et consumpsit holocaustum ».

« Et dixit Moyses, eo quod non sit comestum, quod erat pro peccato, consumptum est ».

« Similiter et Salomon octo diebus celebravit dedicationem ».

« Inferebantur autem in descriptionibus, et commentariis Nehemiæ hæc eadem: et ut construens bibliothecam congregavit de regionibus libros et prophetarum, et David, et epistolas regum, et de donariis ».

« Similiter autem et Judas ea, quæ deciderant per bellum, quod nobis acciderat, congregavit omnia, et sunt apud nos ».

« Si ergo desideratis hæc, mittite qui perferant vobis ».

« Acturi itaque purificationem scripsimus vobis: bene ergo facietis, si egeritis hos dies ».

« Deus autem, qui liberavit populum suum, et reddidit hereditatem omnibus, et regnum, et sacerdotium, et sanctificationem ».

« Sicut promisit in lege, speramus quod cito nostri miserabitur, et congregabit de sub cælo in locum sanctum ».

« Eripuit enim nos de magnis periculis, et locum purgavit ».

« De Juda vero Macchabeo, et fratribus ejus, et de templi magni purificatione et de aræ dedicatione ».

¹ Tacent editi alii libri « et » voculam, moxque ipsum « illuc » adverbium: cum in Græco tamen utrumque resonet.

« Sed et de prællis, quæ pertinent ad Antiochum Nobilem, et filium ejus, Eupatorem »:

« Et de illuminationibus, quæ de cælo factæ sunt [AI. tac. sunt] ad eos, qui pro Judæis fortiter fecerunt, ita ut universam regionem, cum pauci essent, vindicarent, et barbaram multitudinem fugarent ».

« Et famosissimum in toto orbe templum recuperarent, et civitatem liberarent, et leges, quæ abolitæ erant, restituerentur, Domino cum omni tranquillitate propitio facto illis ».

« Itemque ab Jasono Cyrenæo quinque libris comprehensa tentavimus nos uno volumine brevare ».

« Considerantes enim multitudinem librorum et difficultatem volentibus aggredi narrationes historiarum propter multitudinem rerum ».

« Curavimus volentibus quidem legere, et esset animi oblectatio: studiosis vero, factius possint memoriæ commendare: omnibus autem legentibus utilitas conferatur ».

« Et nobis quidem ipsis, qui hoc opus breviandi causa suscepimus, non facilem laborem, imo vero negotium plenum vigiliarum, et sudoris assumpsimus ».

« Sicut hi, qui præparant convivium, et quarunt aliorum voluntati parere propter multorum gratiam, libenter laborem sustinemus ».

« Veritatem quidem de singulis auctoribus concedentes, ipsi autem secundum datam formam brevitati studentes ».

« Sicut enim novæ domus architecto de universa structura curandum est: ei vero, qui pingere curat, quæ apta sunt ad ornatum, exquirenda sunt: ita æstimandum est et in nobis ».

« Etenim intellectum colligere, et ordinare sermonem, et curiosius partes sigulas quasque disquirere, historiæ congruit auctori ».

« Brevitatem vero dictionis sectari, et executiones rerum vitare, breviant concedendum est ».

« Hinc ergo narrationem incipiemus: de præfatione tantum dixisse sufficiat: stultum etenim est ante historiam effluere, in ipsa autem historia succingi ».

CAPUT III.

« Igitur cum sancta civitas habitaretur in omni pace, leges etiam adhuc optime custodirentur,

propter Oniæ pontificis pietatem, et animos odio habentes mala ».

« Fiebat, ut et ipsi reges, et principes locum summo honore dignum ducerent, et templum maximis muneribus illustrarent » :

« Ita ut Seleucus Asiæ rex de redditibus suis præstaret omnes sumptus ad ministerium sacrificiorum pertinentes ».

« Simon autem de tribu Benjamin prepositus templi constitutus, contendebat, obsistente sibi principe sacerdotum, iniquum aliquid in civitate moliri ».

« Sed cum vincere Oniam non posset, venit ad Apollonium Tharsææ filium, qui eo tempore erat dux Cæleſyria, et Phœnicis » :

« Et nuntiavit ei, pecuniis innumerabilibus plenum esse ærarium Jerosolymis, et communes copias immensas esse, quæ non pertinent ad rationem sacrificiorum : esse autem possibile sub potestate regis cadere universa ».

« Cumque retulisset ad regem Apollonium, de pecuniis, quæ delatæ erant, ille accitum Heliodorum, qui erat super negotia ejus, misit cum mandatis, ut prædictam pecuniam transporteret ».

« Statimque Heliodorus iter est aggressus, specie quidem quasi per Cæleſyriam, et Phœnicen civitates esset peragaturus : revera autem regis propositum perfecturus ».

« Sed cum venisset Jerosolymam, et benigne a summo sacerdote, in civitate esset exceptus, narravit de dato indicio pecuniarum : et, cujus rei gratia adesset, aperuit : interrogabat autem, si vere hæc ita essent ».

« Tunc summus sacerdos ostendit deposita esse hæc, et victualia viduarum, et pupillorum ».

« Quædam vero esse Hyrcani Tobia viri valde eminentis, in his, quæ detulerat impius Simon : universa autem argenti talenta esse quadringenta, et auri ducenta ».

« Decipi vero eos, qui credidissent loco, et templo, quod per universum mundum honoratur, pro sui veneratione, et sanctitate omnino impossibile esse ».

« At ille pro his, quæ habebat in mandatis a rege, dicebat omni genere regi ea esse defendenda ».

« Constituta autem die intrabat de his Heliodorus ordinaturus. Non modica vero per universam civitatem erat trepidatio ».

« Sacerdotes autem ante altare cum stolis sacerdotalibus jactaverunt se, et invocabant de

cælo eum, qui de depositis legem posuit, ut his, qui deposuerunt ea, salva custodiret ».

« Jam vero qui videbat summi sacerdotis vultum mente vulnerabatur : facies enim, et color immutatus declarabat internum animi dolorem » :

« Circumfusa enim erat mœstitia quædam viro, et horror corporis, per quem manifestus aspicientibus dolor cordis ejus efficiebatur ».

« Alii etiam gregatim de domibus confluebant, publica supplicatione obsecrantes, pro eo quod in contemptum loci esset venturus ».

« Accinctæque mulieres cilicis pectus, per plateas confluebant : sed et virgines, quæ conclusæ erant, procurrebant ad Oniam : alia autem ad muros : quædam vero per fenestras aspiciebant ».

« Universæ autem protendentes manus in cælum, deprecabantur ».

« Erat enim mixera commixtæ multitudinis, et magni sacerdotis in agone constituti expectatio ».

« Et hi quidem invocabant omnipotentem Deum, ut credita sibi his, qui crediderant, cum omni integritate conservarentur ».

« Heliodorus autem, quod decreverat, perficere eodem loco ipse cum satellitibus circa ærarium præsens ».

« Sed spiritus omnipotentis Dei magnam fecit suæ ostensionis evidentiam, ita ut omnes, qui ausi fuerant parere ei, ruentes Dei virtute, in dissolutionem, et formidinem converterentur ».

« Apparuit enim illis quidam equus terribilem habens sessorem, optimis operimentis adornatus : isque cum impetu Heliodoro priores calces elisit : qui autem ei sedebat, videbatur arma habere aurea ».

« Alii etiam apparuerunt duo juvenes virtute decori, optimi gloria, speciosique amictu : qui circumsteterunt eum, et ex utraque parte flagellabant, sine intermissione multis plagis verberantes ».

« Subito autem Heliodorus concidit in terram, eumque multa caligine circumfusus rapuerunt, atque in sella gestatoria positum ejecerunt ».

« Et is, qui cum multis cursoribus, et satellitibus prædictum ingressus est ærarium, portabatur, nullo sibi auxilium ferente, manifesta Dei cognita virtute » :

« Et illo quidem per divinam virtutem jacebat mutus, atque omni spe et salute privatus ».

« Hi autem Dominum benedicebant, quia magnificabat locum suum : et templum, quod paulo ant etimore ac tumultu erat plenum, apparente

omnipotente Domino, gaudio et lætitia impletum est ».

« Tunc vero ex amicis Heliodori quidam rogabant confestim Oniam, ut invocaret Altissimum, ut vitam donaret ei, qui in supremo spiritu erat constitutus ».

« Considerans autem summus sacerdos, ne forte rex suspicaretur malitiam aliquam ex Judæis circa Heliodorum consummatam, obtulit pro salute viri hostiam salutarem ».

« Cumque summus sacerdos exoraret, iidem juvenes eidem vestibus amicti, adstantes Heliodoro, dixerunt : Oniæ sacerdoti gratias age : nam propter eum Dominus tibi vitam donavit ».

« Tu autem a Deo flagellatus, nuntia omnibus magnalia Dei, et potestatem. Et his dictis, non comparuerunt ».

« Heliodorus autem, hostia Deo oblata, et votis magnis promissis ei, qui vivere illi concessit, et Oniæ gratias agens, recepto exercitu, repedabat ad regem ».

« Testabatur autem omnibus ea quæ sub oculis suis viderat opera magni Dei ».

« Cum autem rex interrogasset Heliodorum, quis esset aptus adhuc semel Jerosolymam mitti, ait » :

« Si quem habes hostem, aut regni tui insidiatorem, mitte illum, et flagellatum eum recipies, si tamen evaserit : eo quod in loco sit vere Dei quedam virtus ».

« Nam ipse, qui habet in colis habitationem, visitator, et adjutor est loci illius, et venientes ad malefaciendum percudit, ac perdit ».

« Igitur de Heliodoro, et ærarii custodia ita res se habet ».

CAPUT IV.

« Simon autem prædictus pecuniarum, et patriæ delator, male loquebatur de Onia, tanquam ipse Heliodorum instigasset ad hæc, et ipse fuisset inceptor malorum » :

« Provisoremque civitatis, ac defensorem gentis suæ, et æmulatorem legis Dei audebat insidiatorem regni dicere ».

« Sed, cum inimicitie in tantum procederent, ut etiam per quosdam Simonis necessarios homicidia fierent » :

« Considerans Onias periculum contentionis, et Apollonium insanire, utpote ducem Cæleſyria, et Phœnicis, ad augendam malitiam Simonis, ad regem se contulit ».

« Non ut civium accusator, sed communem utilitatem apud semetipsum universæ multitudinis considerans » :

« Videbat enim sine regali providentia impossibile esse pacem rebus dari, nec Simonem posse cessare a stultitia sua ».

« Sed post Seleuci vitæ excessum, cum suscepisset regnum Antiochus, qui Nobilis appellabatur, ambiebat Jason frater Oniæ summum sacerdotium ».

« Adito rege, promittens ei argenti talenta trecenta sexaginta, et ex redditibus aliis talenta octoginta ».

« Super hæc promittebat et alia centum quinquaginta, si potestati ejus concederetur gymnasium, et ephebias sibi constitueret, et eos, qui in Jerosolymis erant, Antiocheno scribere ».

« Quod cum rex annuisset, et obtinisset principatum, statim ad gentilem ritum contribules suos transferre cepit ».

« Et amotis his, quæ humanitatis causa Judæis a regibus fuerant constituta, per Joannem patrem Eupolemi, qui apud Romanos de amicitia, et societate functus est legatione legitima, civium jura destituens, prava instituta sanciebat ».

« Elenim ausus est sub ipsa arce gymnasium constituere, et optimos quosque epheborum in lupanariis ponere ».

« Erat autem hoc non initium, sed incrementum quoddam, et profectus gentilis, et alienigenæ conversationis, propter impii, et non sacerdotis Jasonis nefarium et inauditum scelus ».

« Ita ut sacerdotes jam non circa altaris officia dediti essent, sed contempto templo, et sacrificiis neglectis, festinant participes fieri palestre, et præbitionis ejus injustæ, et in exercitiis disci ».

« Et patrios quidem honores nihil habentes, Græcæ glorias optimas arbitrabantur » :

« Quarum gratia periculosa eos contentio habebat, et eorum instituta æmulabantur, ac per omnia his consimiles esse cupiebant, quos hostes, et prepotentes habuerant ».

« In leges enim divinas impie agere, impune non cedit : sed hoc tempus sequens declarabit ».

« Cum autem quinquennalis agon Tyri celebraretur, et rex præsens esset »,

« Misit Jason facinorosus ab Jerosolymis viros peccatores, portantes argenti didrachmas trecentas in sacrificium Herulis, quas postulerunt hi, qui asportaverant, ne in sacrificiis erogarentur : quia non opereretur, sed in alios sumptus eas deputari ».

« Sed hæ oblatæ sunt quidem ab eo, qui miserat, in sacrificium Herculis : propter presentes autem datæ sunt in fabricam navium triremium ».

« Misso autem in Ægyptum Apollonio Mnesthei filio propter primates Ptolemæi Philometoris regis, cum cognovisset Antiochus alienum se a negotiis regni effectum, propriis utilitatibus consulens, profectus inde venit Joppen, et inde Jerosolymam ».

« Et magnifice ab Jasone, et civitate susceptus, cum facularum luminibus, et laudibus ingressus est : et inde in Phœnicem exercitum convertit ».

« Et post trienni tempus misit Jason Menelaum supradicti Simonis fratrem portantem pecunias regi, et de negotiis necessariis responsa perlaturum ».

« At ille commendatus regi, cum magnificasset faciem potestatis ejus, et semetipsum retorsit summum sacerdotium, superponens Jasoni talenta argenti trecenta ».

« Accepitque a rege mandatis, venit, nihil quidem habens dignum sacerdotio : animos vero crudelis tyranni, et feræ bellæ iram gerens ».

« Et Jason quidem, qui propriam fratrem captivaverat, ipse deceptus profugus in Ammanitem expulsus est regionem ».

« Menelaus autem principatum quidem obtinuit : de pecuniis vero regi promissis nihil agebat, cum exactionem faceret Sostratus, qui arci erat prepositus » :

« (Nam ad hunc exactio vectigalium pertinebat) quam ob causam utrique ad regem sunt evocati ».

« Et Menelaus amotus est a sacerdotio, succedente Lysimacho fratre suo : Sostratus autem prelatus est Cyprii ».

« Et cum hæ agerentur, contigit, Tarsenses, et Mallotas seditionem movere, eo quod Antiochidi regis concubine dono essent dati ».

« Festinanter itaque rex venit sedare illos, relicto suffecto uno ex comitibus suis Andronico ».

« Ratus autem Menelaus accepisse se tempus opportunum, aurea quedam vasa e templo furatus donavit Andronico, et alia venderat Tyri, et per vicinas civitates ».

« Quod cum certissime cognovisset Onias, arguebat eum, ipse in loco tuto se continens Antiochiæ secus Daphnen ».

« Unde Menelaus accedens ad Andronicum, rogabat, ut Oniam interficeret. Qui cum venisset ad Oniam, et datis dextris cum iurejurando (quamvis esset ei suspectus) suasisset de asylo procedere, statim eum peremit, non veritus justitiam ».

« Ob quam causam non solum Judæi, sed aliæ quoque nationes indignabantur, et moleste ferebant de necesse tanti viri injusta ».

« Sed regressum regem de Ciliciæ locis, adierunt Judæi apud Antiochiam, simul et Græci, conquirentes de iniqua nece Oniæ ».

« Contristatus itaque animo Antiochus propter Oniam, et flexus ad misericordiam, lacrymas fudit, recordatus defuncti sobrietatem et modestiam ».

« Accensisque animis, Andronicum purpura exutum, per totam civitatem jubet circumduci : et in eodem loco, in quo in Oniam impietatem commiserat, sacrilegum vita privari, Domino illi condignam retribuente poenam ».

« Multis autem sacrilegiis in templo a Lysimacho commissi Menelai consilio, et divulgata fama, congregata est multitudo adversum Lysimachum, multo jam auro exportato ».

« Turbis autem insurgentibus, et animis ira repletis, Lysimachus armatis fere tribus milibus iniquis manibus uti cepit, duce quodam tyranno, elate pariter, et dementia provento ».

« Sed, ut intellexerunt conatum Lysimachi, alii lapides, alii fustes validos arripere : quidam vero cinerem in Lysimachum fecere ».

« Et multi quidem vulnerati, quidam autem et prostrati, omnes vero in fugam conversi sunt : ipsum etiam sacrilegum secus ararium interfecerunt ».

« De his ego cepit iudicium adversum Menelaum agitari ».

« Et cum venisset rex Tyrum, ad ipsum negotium detulerunt missi tres viri a senioribus ».

« Et cum superaretur Menelaus, promisit Ptolemæo multas pecunias dare ad suadendum regi ».

« Itaque Ptolemæus in quodam atrio positum quasi refrigerandi gratia regem adit, et deduxit a sententia » :

« Et Menelaum quidem universæ malitiæ reum criminibus absolvit : miseros autem, qui etiam si apud Scythas causam dixissent, innocentes judicarentur, hos morte damnavit ».

« Cito ergo injustam poenam dederunt, qui pro civitate, et populo, et sacris vasis causam prosecuti sunt ».

« Quam ob rem Tyrii quoque indignati, erga sepulcrum eorum liberalissimi existerunt ».

« Menelaus autem, propter eorum, qui in potentia erant, avaritiam, permanebat in potestate, crescens in malitia ad insidias civium ».

CAPUT V.

« Eodem tempore Antiochus secundam protectionem paravit in Ægyptum ».

« Contigit autem per universam Jerosolymorum civitatem videri diebus quadraginta per aera equites discurreres, auratas stolas habentes, et hastis, quasi cohortes, armatos ».

« Et cursus equorum per ordines digestos, et congressiones fieri cominus, et scutorum motus, et galeatorum multitudinem gladiis districtis, et telorum jactus, et aureorum armorum splendorem, omnisque generis loricearum ».

« Quapropter omnes rogabant in bonum monstra converti ».

« Sed cum falsus rumor exisset, tanquam vita excessisset Antiochus, assumptis Jason non minus mille viris, repente aggressus est civitatem, et civibus ad murum convolantibus, ad ultimum apprehensa civitate, Menelaus fugit in arcem » :

« Jason vero non parcebat in cæde civibus suis : nec cogitabat prosperitatem adversum cognatos malum esse maximum, arbitrans hostium et non civium se tropæa capturum ».

« Et principatum quidem non obtinuit, finem vero insidiarum suarum confusionem accepit, et profugus iterum abiit in Ammanitem ».

« Ad ultimum, in exitum sui conclusus ab Areta Arabum tyranno, fugiens de civitate in civitatem, omnibus odiosus, ut refugus legum, et execrabilis, ut patriæ civium hostis, in Ægyptum extrusus est » :

« Et qui multos de patria sua expulerat, peregre perit, Lacedæmonas profectus, quasi pro cognitione ibi refugium habiturus » :

« Et qui insepultos multos abjecerat, ipse et illamentatus, et insepultus abjicitur, sepultura neque peregrina usus, neque patrio sepulcro participans ».

« His itaque gestis, suspicatus est rex societatem deserturos Judæos, et ob hoc profectus ex Ægypto effertis animis, civitatem quidem armis cepit ».

« Jussit autem militibus interficere, nec parcere occurrentibus, et per domos ascendentes trucidare ».

« Fiebant ergo cædes juvenum, ac seniorum, et mulierum, et natorum exterminia, virginumque, et parvulorum neces ».

« Erant autem toto triduo octoginta milia interfecti, quadraginta milia viucti, non minus autem venudati ».

« Sed nec ista sufficient : ausus est etiam intrare templum universa terra sanctius, Menelao ductore, qui legum, et patriæ fuit proditor » :

« Et scelestis manibus sumens sancta vasa, que ab aliis regibus, et civitatibus erant posita ad ornatum loci, et gloriam contrectabat indigne et contaminabat ».

« Ita alienatus mente Antiochus, non considerabat, quod propter peccata habitantium civitatem, modicum Deus fuerat iratus ; propter quod et accidit circa locum despectio ».

« Alioquin nisi contigisset eos multis peccatis esse involutos, sicut Heliodorus, qui missus est a Seleuco rege ad expoliandum ararium, etiam hic statim adveniens flagellatus, et repulsus utique fuisset ab audacia ».

« Verum non propter locum, gentem ; sed propter gentem, locum Deus elegit ».

« Ideoque et ipse locus participans factus est populi malorum : postea autem fiet socius honorum, et qui derelictus in ira Dei omnipotentis est, iterum in magni Domini reconciliatione cum summa gloria exaltabitur ».

« Igitur Antiochus mille et octingentis ablati de templo talentis, velociter Antiochiam regressus est, existimans se præ superbia terram ad navigandum, pelagus vero ad iter agendum deducturum propter mentis elationem ».

« Reliquit autem et prepositos ad affligendam gentem : Jerosolymis quidem Philippum genere Phrygem, moribus crudeliorem eo ipso, a quo constitutus est » :

« In Garizim autem Andronicum, et Menelaum qui gravius quam ceteri imminabant civibus ».

« Cumque appositus esset contra Judæos, misit odiosum principem Apollonium cum exercitu viginti et duobus milibus, præcipiens ei omnes perfectæ ætatis interficere ; mulieres ac juvenes vendere ».

« Qui cum venisset Jerosolymam, pacem simulans, quievit usque ad diem sanctum sabbati : et tunc feriatas Judæis arma capere suis præcepit ».

« Omnesque qui ad spectaculum processerant, trucidavit : et civitatem cum armatis discurrrens, ingentem multitudinem peremit ».

« Judas autem Macchabæus, qui decimus fuerat, recesserat in desertum locum, ibique interferas vitam in montibus cum suis agebat : et feni cibo vescentes, demorabantur, ne participes essent coinquinationis ».

CAPUT VI.

« Sed non post multum temporis misit rex senem quemdam Antiochenum, qui compelleret Judæos, ut se transferrent a patriis et Dei legibus ».

« Contaminare etiam quod in Jerosolymis erat templum, et cognominare Jovis Olympii: et in Garizim, prout erant hi, qui locum inhabitabant, Jovis hospitalis ».

« Pessima autem et universis gravis erat maiorum incurio »:

« Nam templum luxuria, et commessionibus gentium erat plenum, et scortantium cum meretricibus: sacratisque ædibus mulieres se ultro ingerebant, intro ferentes ea, quæ non licebat ».

« Altare etiam plenum erat illicitis, quæ legibus prohibebantur ».

« Neque autem sabbata custodiebantur, neque dies solemnes patrii servabantur, nec simpliciter Judæum se esse quisquam [Al. quisque] confitebatur ».

« Ducebantur autem cum amara necessitate in die natalis regis ad sacrificia: et, cum Liberi sacra celebrarentur, cogebantur hedera coronati Libero circuire ».

« Decretum autem exiit in proximas gentilium civitates, suggerentibus Ptolemæis, ut pari modo et ipsi adversus Judæos agerent ut sacrificarent »:

« Eos autem, qui nolent transire ad instituta gentium, interficerent: erat ergo videre miseriam ».

« Duæ enim mulieres delatæ sunt natos suos circumcidisse: quas, infantibus ad ubera suspensis, cum publice per civitatem circumduxissent, per muros præcipitaverunt ».

« Alii vero ad proximas coentes speluncas, et latenter sabbati diem celebrantes cum indicati essent Philippo, flammis succensi sunt, eo quod verebantur propter religionem et observantiam, manu sibimet auxilium ferre ».

« Obsecro autem eos, qui hunc librum lecturi sunt, ne abhorrescant propter adversos casus, sed reputent, ea, quæ acciderunt, non ad interitum, sed ad correptionem esse generis nostri ».

« Etenim multo tempore non sinere peccatoribus ex sententia agere, sed statim ultiones adhibere, magni beneficii est indicium ».

« Non enim, sicut in aliis nationibus, Dominus patienter expectat, ut eas, cum iudicii dies advenierit, in plenitudine peccatorum puniat »:

« Ita et in nobis statuit, in peccatis nostris in finem devolutis, ita demum in nos vindicet ».

« Propter quod nunquam quidem a nobis misericordiam suam amovet: corripens vero in adversis populum suum non derelinquit »:

« Sed hæc nobis ad commonitionem legentium diæta sint paucis. Jam autem veniendum est ad narrationem ».

« Igitur Eleazarus unus de primoribus scribarum, vir ætate provectus, et vultu decorus, aperto ore hians compellebatur carnem porcina manducare ».

« At ille gloriosissimam mortem magis quam odibilem vitam complectens, voluntarie præibat ad supplicium ».

« Intuens autem, quemadmodum oporteret accedere, patienter sustinens, destinavit non admittere illicita propter vitam amorem ».

« Hi autem, qui adstant, iniqua miseratione commoti, propter antiquam viri amicitiam, tolentes eum secreto rogabant afferri carnes, quibus vesci ei licebat, ut simularetur manducasse, sicut rex imperaverat de sacrificii caribus »:

« Ut, hoc facto, a morte liberaretur: et propter veterem viri amicitiam, hanc in eo faciebant humanitatem ».

« At ille cogitare cepit ætatis ac senectutis sue eminentiam dignam, et ingenitæ nobilitatis cantem, atque a puero optimæ conversationis actus: et secundum sanctæ et a Deo conditæ legis constituta, respondit cito, dicens, præmitti se velle in infernum ».

« Non enim ætatis nostræ dignum est, inquit, fingere: ut multi adolescentium, arbitantes Eleazarum nonaginta annorum transisse ad vitam alienigenarum »:

« Et ipsi propter meam simulationem, et propter medicum corruptibilis vitæ te mpsu decipiunt, et per hoc maculam, atque execrationem mee senectuti conquiram ».

« Nam, etsi in præsentem tempore supplicii hominum eripiar, sed manum Omnipotentis nec vivus, nec defunctus effugiam ».

« Quam ob rem fortiter vita excedendo, senectute quidem dignus apparebo »:

« Adolescentibus autem exemplum forte relinquam, si prompto animo, nec fortiter pro gravissimis ac sanctissimis legibus honesta morte perfungar. His dictis confestim ad supplicium trahabatur ».

« Hi autem, qui eum ducebant, et paulo ante fuerant mitiores, in iram conversi sunt propter

sermones ab eo dictos, quos illi per arrogantiam prolatos arbitrabantur ».

« Sed cum plagis perimeretur, ingemuit, et dixit: Domine, qui habes sanctam scientiam, manifeste tu scis, quia, cum a morte possem liberari, duos corporis sustineo dolores: secundum animam vero propter timorem tuum libenter hæc patior ».

« Et iste quidem hoc modo vita decessit, non solum juvenibus, sed et universæ genti memoriam mortis suæ ad exemplum virtutis et fortitudinis derelinquens ».

CAPUT VII.

« Contigit autem et septem fratres una cum matre sua apprehensos compelli a rege edere contra fas carnes porcinas, flagris, et taureis cruciatis ».

« Unus autem ex illis, qui erat primus, eis ait: Quid queris, et quid vis discere a nobis? Patri sumus mori, magis, quam patrias Dei leges prævaricari ».

« Iratus itaque rex jussit sartagine, et ollas æneas succendi: quibus statim succensis ».

« Jussit ei, qui prior fuerat locutus, amputari linguam: et, cute capitis abstracta, summas quoque manus et pedes ei præseindi, cæteris ejus fratribus et matre insipientibus ».

« Et, cum jam per omnia inutilis factus esset, ussit ignem admoventi, et adhuc spirantem torredi in sartagine: in qua cum diu cruciaretur, cæteri una cum matre invicem se hortabantur mori fortiter ».

« Dicentes: Dominus Deus aspiciet veritatem, et consolabitur in nobis, quemadmodum in protestatione cantici declaravit Moyses: et in servis suis consolabitur ».

« Mortuo itaque illo primo, hoc modo sequentem deducebant ad illudendum: et, cute capitis ejus cum capillis abstracta, interrogabant, si manducaret prius, quam toto corpore per membra singula puniretur ».

« At ille, respondens patria voce, dixit: Non faciam. Propter quod et iste, sequenti loco, primi tormenta suscepit ».

« Et in ultimo spiritu constitutus, sic ait: Tu quidem, scelestissime, in præsentem vitam nos perdis: sed Rex mundi defunctis nos pro suis legibus in æternæ vitæ resurrectionem suscitabit ».

« Post hunc tertius illuditur, et linguam postulatus cito protulit, et manus constanter extendit »:

« Et cum fiducia ait: E cælo ista possideo, sed propter Dei leges nunc hæc ipsa despicio, quoniam ab ipso me ea recepturum spero »:

« Ita ut rex, et qui cum ipso erant, mirarentur adolescentis animum, quod tanquam nihil duceret cruciatum ».

« Et hoc ita defuncto, quartum vexabant similiter torquentes ».

« Et, cum jam esset ad mortem, sic ait: Potius est ab hominibus morti datos spem expectare a Deo, iterum ab ipso resuscitandos: tibi enim resurrectio ad vitam non erit ».

« Et cum admovissent quintum, vexabant eum. At ille, respiciens in eum ».

« Dixit: Potestatem inter homines habens, cum sis corruptibilis, facis quod vis: noli autem putare genus nostrum a Deo esse derelictum »:

« Tu autem patienter sustine, et videbis magnam potestatem ipsius, qualiter te, et semen tuum torquet ».

« Post hunc ducebant sextum, et is, mori incipiens, sic ait: Noli frustra errare: nos enim propter nosmetipsos hæc patimur, peccantes in Deum nostrum, et digna admiratione facta sunt in nobis »:

« Tu autem ne existimes tibi impune futurum, quod contra Deum pugnare tentaveris ».

« Supra modum autem mater mirabilis, et honorum memoria digna, quæ pereuntes septem filios sub unius diei tempore conspiciens, bono animo ferebat propter spem, quam in Deum habebat »:

« Singulos illorum hortabatur voce patria fortiter repleta sapientia: et femineæ cogitationi masculinum animum inserens ».

« Dixit ad eos: Nescio qualiter in utero meo apparuistis: neque enim ego spiritum et animam donavi vobis, et vitam, et singulorum membra non ego ipsa compegi »:

« Sed enim mundi creator, qui formavit hominis nativatem, quique omnium invenit originem, et spiritum vobis iterum cum misericordia reddet et vitam, sicut nunc vosmetipsos despiciatis propter leges ejus ».

« Antiochus autem, contemni se arbitratus, simul et exprobrantis voce despecta, cum adhuc adolescentior superesset, non solum verbis hortabatur, sed et eum juramento affirmabat, se divitem et beatum facturum, et translatum a pa-

trius legibus amicum habiturum, et res necessarias ei præbiturum ».

« Sed ad hæc cum adolescens nequaquam inclinaretur, vocavit rem matrem, et suadebat ei, ut adolescenti fieret in salutem ».

« Cum autem multis eam verbis esset hortatus promisit suasuram se filio suo ».

« Itaque inclinata ad illud, irridens crudelem tyrannum, ait patriavoce : Fili mi, miserere mei, quæ te in utero novem mensibus portavi, et lac triennio dedi, et alui, et in ætatem istam perduxi ».

« Peto, nate, ut aspicias ad cælum et terram, et ad omnia quæ in eis sunt : et intelligas, quia ex nihilo fecit illa Deus, et hominum genus » :

« Ita fiet, ut non timeas carnificem istum, sed dignus fratribus tuis effectus particeps, suscipe mortem, ut in illa miseratione cum fratribus tuis te recipiam [Al. recipiat] ».

« Cum hæc illa adhuc diceret, ait adolescens : Quem sustinetis ? Non obedio præcepto regis, sed præcepto legis, quæ data est nobis per Moysen ».

« Tu vero, qui inventor omnis malitiæ factus es in Hebræos, non effugias manum Dei ».

« Nos enim pro peccatis hæc patimur ».

« Et si nobis propter increpationem, et correctionem Dominus Deus noster modicum iratus est : sed iterum reconciliabitur servis suis ».

« Tu autem, o scelestæ, et omnium hominum flagitiosissime, noli frustra extolli vanis spebus in servos ejus inflammatus ».

« Nondum enim omnipotentis Dei, et omnia insipientis, iudicium effugisti ».

« Nam fratres mei, modico nunc dolore sustentato, sub testamento æternæ vitæ effecti sunt : tu vero iudicio Dei justa superbie tue pœnas exsolves ».

« In me vero et in fratribus meis desinet Omnipotentis ira, quæ super omne genus nostrum [Al. nostrorum] justo superducta est ».

« Tunc rex accensus ira in hunc super omnes crudelius desavit, indignè ferens se derisum ».

« Et hic itaque mundus obiit, per omnia in Domino confidens ».

« Novissime autem post filios et mater consumpta est ».

« Igitur de sacrificiis, et de nimis crudelitatis satis dictum est ».

CAPUT VIII.

Judas vero Macchabæus, et qui cum illo erant, introibant latenter in castella : et convocantes cognatos, et amicos, et eos qui permanserunt in Judaismo, assumentes, eduxerunt ad se sex milia virorum ».

« Et invocabant Dominum, ut respiceret in populum, qui ab omnibus calcabatur : et miseretur templo, quod contaminabatur ab impiis, ».

« Misereretur etiam exterminio civitatis, quæ esset illico complananda, et vocem sanguinis ad se clamantis audiret » :

« Memoraretur quoque iniquissimas mortes parvulorum innocentum, et blasphemias nomini suo illatas, et indignaretur super his ».

« At Macchabæus, congregata multitudine, intollerabilis gentibus efficiebatur : ira enim Domini in misericordiam conversa est ».

« Et superveniens castellis, et civitatibus improvisis, succendebat eas : et opportuna loca occupans, non paucas hostium strages dabat » :

« Maxime autem noctibus ad hujusmodi excursum ferebatur, et fama virtutis ejus ubique diffundebatur ».

« Videns autem Philippus paulatim virum ad profectum venire, ac frequentius res ei cedere prospere, ad Ptolemæum ducem Cœlesyriæ, et Phœnicis scripsit, ut auxilium ferret regis negotiis ».

« At ille velociter misit Nicanorem Patroclii de primoribus amicis, dans ei de permixtis gentibus, armatis non minus viginti millibus, ut universum Judæorum genus deleret : adjuncto ei et Gorgia viro militari, et in bellicis rebus experientissimo ».

« Constituit autem Nicanor, ut regi tributum, quod Romanis erat dandum, duo milia talentorum de captivitate Judæorum suppleret » :

« Statimque ad maritimas civitates misit, convocans ad coemptionem Judaicorum mancipiorum, promittens se nonaginta mancipia talento distracturum, non respiciens ad vindictam, quæ eum ab Omnipotente esset consecutura ».

« Judas autem ubi comperit, indicavit his, qui secum erant, Judæis Nicanoris adventum ».

« Ex quibus quidam formidantes, et non credentes Dei justitiæ, in fugam vertebantur » :

« Alii vero, si quid ei [Al. eis] supererat, vende-

bant, simulque Dominum deprecabantur, ut eriperet eos ab impio Nicanore, qui eos prius quam cominus veniret, venderat » :

« Et si non propter eos, propter testamentum tamen, quod erat ad patres eorum, et propter invocationem sancti et magnifici nominis ejus super ipsos ».

« Convocatis autem Macchabæus septem millibus, qui cum ipso erant, rogabat, ne hostibus reconciliarentur, neque metuerent inique venientiam adversum se hostium multitudinem : sed fortiter contenderent » :

« Ante oculos habentes contumeliam, quæ loco sancto ab his injuste esset illata, itemque, et habitus civitatis injuriam, adhuc etiam veterum instituta convulsa ».

« Num illi quidem armis confidunt, ait, simul et audacia : nos autem in omnipotente Domino, qui potest et venientes adversum nos, et universum mundum uno nutu delere, confidimus ? »

« Admonuit autem eos et de auxiliis Dei, quæ facta sunt erga parentes : et quod sub Sennacherib centum octoginta quinque milia perierunt » :

« Et de prelio, quod eis adversum Galatas fuit in Babylonia, ut omnes ubi ad rem ventum est, Macedonibus sociis hæsitantibus, ipsi sex milia soli peremerunt centum viginti milia propter auxilium illis datum de cælo, et beneficia pro his plurima consecuti sunt ».

« His verbis constantes effecti sunt, et pro legibus, et patria mori parati ».

« Constituit itaque fratres suos duces utrique ordini, Simonem, et Josephum, et Jonatham, subjectis unicuique millenis et quingentis ».

« Ad hoc etiam ab Esdra lecto illis sancto libro, et dato signo adjutorii Dei, in prima acie ipse dux commisit cum Nicanore ».

« Et factis sibi adjutore Omnipotente, interfecerunt super novem milia hominum : majorem autem partem exercitus Nicanoris vulneribus debilem factam fugere compulerunt ».

« Pecuniis vero eorum, qui ad emptionem ipsorum venerant, sublatis, ipsos usquequaque persecuti sunt ».

« Sed reversi sunt hora conclusi : nam erat ante sabbatum : quam ob causam non perseveraverunt insequentes ».

« Arma autem ipsorum, et spolia congregantes, sabbatum agebat : benedicentes Dominum, qui liberavit eos in isto die, misericordiæ initium stillans in eos ».

« Post sabbatum vero debilibus, et orphanis viduis diviserunt spolia : et residua ipsi cum suis habuerunt ».

« His itaque gestis, et communiter ab omnibus facta obsecratione, misericordem Dominum postulabant, ut in finem servis suis reconciliaretur ».

« Et ex his, qui cum Timotheo, et Bacchide erant contra se contententes, super viginti milia interfecerunt, et munitiones excelsas obtinuerunt : et plures prædas diviserunt æquam portionem debilibus, pupillis, et viduis : sed et senioribus facientes ».

« Et cum arma eorum diligenter collegissent, omnia composuerunt in locis opportunis, residua vero spolia Jerosolymam detulerunt » :

« Et Philarchen, qui cum Timotheo erat, interfecerunt, virum scelestum : qui in multis Judæos afflixerat ».

« Et cum epinicia agerent Jerosolymis, eum, qui sacras januas incenderat, id est, Callisthemem, cum in quoddam domicilium refugisset, incenderunt, digna ei mercede pro impietatis suis reddita ».

« Facinorosissimus autem Nicanor, qui mille negotiantes ad Judæorum venditionem adduxerat ».

« Humiliatus auxilio Domini ab his quos nullos existimaverat, deposita veste gloriæ, per mediterranea fugiens, solus venit Antiochiam, summam infelicitatem de interitu sui exercitus consecutus ».

« Et qui promiserat Romanis se tributum restituere de captivitate Jerosolymorum, predicabat nunc protectorum Deum habere Judæos, et ob ipsum invulnerabiles esse, eo quod sequerentur leges ab ipso constitutas ».

CAPUT IX.

« Eodem tempore Antiochus inhoneste revertebatur de Perside ».

« Intraverat enim in eam, quæ dicitur Persopolis, et tentavit expoliare templum, et civitatem opprimere : sed multitudine ad arma concurrente, in fugam versi sunt : et ita contigit, ut Antiochus post fugam turpiter rediret ».

« Et cum venisset circa Ecbatanam recognovit quæ erga Nicanorem et Timotheum gesta sunt ».

« Elatus autem in ira, arbitrabatur se injuriam illorum qui se fugaverant, posse in Judæos retor-

¹ Præferunt alii libri « datis » : in Græco autem est, ἑμορτίας.

quere : ideoque jussit agitari currum suum, sine intermissione agens iter, caelesti eum iudicio perurgente, eo quod ita superbe locutus est se venturum Ierosolymam, et congeriem sepulchri Iudaeorum eam facturum ».

« Sed qui universa conspicit Dominus Deus Israel, percussit eum insanabili et invisibili plaga. Ut enim finivit hunc ipsum sermonem, apprehendit eum dolor dirus viscerum, et amara interitorum tormenta ».

« Et quidem satis juste, quippe qui multis et novis cruciatibus aliorum torserat viscera, licet ille nullo modo a sua malitia cessaret ».

« Super hoc autem superbia repletus, ignem spirans animo in Iudæos, et præcipiens accelerari negotium, contigit illum impetu eundem de curru cadere, et gravi corporis collisione membra vexari ».

« Isque qui sibi videbatur etiam fluctibus maris imperare, supra humanum modum superbia repletus, et montium altitudines in statera appendere, nunc humiliatus ad terram, in gestatorio portabatur, manifestam Dei virtutem in semetipso contestans »:

« Ita ut de corpore impii vermes scaturirent, ac viventis in doloribus carnes ejus effluerent, odore etiam illius et fetore exercitus gravaretur ».

« Et qui paulo ante sidera cæli contingere se arbitrabatur, eum nemo poterat propter intolerantiam fetoris portare ».

« Hinc igitur cepit ex gravi superbia deductus, ad agnitionem sui venire, divina admonitus plaga, per momenta singula doloribus suis augmenta capientibus ».

« Et cum nec ipse jam fetorem suum ferre posset, ita ait : Justum est subditum esse Deo, et mortalem non paria Deo sentire ».

« Orabat autem hic scelestus Dominum, a quo non esset misericordiam consecutus ».

« Et civitatem, ad quam festinans veniebat, ut eam ad solum deduceret, ac sepulchrum congestorum faceret, nunc optat liberam reddere ».

« Et [Al. tac. Et] Iudæos, quos nec sepultura quidem se dignos habiturum, sed avibus ac feris diripiendos traditurum, et cum parvulis exterminaturum dixerat, æquales nunc Athenensibus facturum pollicetur ».

« Templum etiam sanctum, quod prius exposuiverat, optimis donis ornaturum, et sancta vasa multiplicaturum, et pertinentes ad sacrificia sumptus de redditibus suis præstiturum ».

« Super hæc, et Iudæum se futurum, et omnem locum terræ perambulaturum, et prædicaturum Dei potestatem ».

« Sed non cessantibus doloribus (supervenerat enim in eum justum Dei iudicium), desperans accipit ad Iudæos in modum deprecationis epistolam hæc continentem »:

« Optimis civibus Iudæis plurimam salutem, et bene valere, et esse felices, rex et princeps Antiochus ».

« Si bene valetis, et filii vestri et ex sententia nobis cuncta sunt, maximas agimus gratias ».

« Et ego in infirmitate constitutus, vestri autem memor benigne, reversus de Persidis locis, et infirmitate gravi apprehensus, necessarium duxi pro communi utilitate curam habere »:

« Non desperans memetipsum, sed spem multam habens effugiendi infirmitatem ».

« Respicens autem quod et pater meus, quibus temporibus in locis superioribus ducebat exercitum, ostendit qui post se susciperet [Al. suscipiet] principatum »:

« Ut si quid contrarium accideret, aut difficile nuntiaretur, scientes, hi, qui in regionibus erant, cui esset rerum summa derelicta, non turbarentur ».

« Ad hæc, considerans de proximo potentes quosque, et vicinos, temporibus insidiantes, et eventum expectantes, designavi filium meum Antiochum regem, quem sæpe recurrendam in superiora regna multis vestrum commendabam : et scripsi ad eum quæ subjecta sunt ».

« Oro itaque vos, et peto memores beneficiorum publicæ et privatim, ut unusquisque conservet fidem ad me et ad filium meum ».

« Confido enim eum modeste et humane acturum, et sequentem propositum meum, et communem vobis fore ».

« Igitur homicida, et blasphemus pessime percussus, et ut ipse alios tractaverat, peregre in montibus miserabili obitu vita functus est ».

« Transferebat autem corpus Philippus collæctaneus ejus : qui, metuens filium Antiochi, ad Ptolemæum Philometorem in Ægyptum abiit ».

CAPUT X.

« Machabæus autem, et qui eum eo erant, Domino se protegente, templum quidem, et civitatem recepit ».

« Aras autem, quas alienigenæ per plateas extruxerant, itemque delubra demolitus est ».

« Et purgato templo, aliud altare fecerunt : et ignitis lapidibus igne concepto, sacrificio obtulerunt post biennium, et incensum, et lucernas, et panes propositionis posuerunt ».

« Quibus gestis, rogabant Dominum prostrati in terram, ne amplius talibus malis inciderent : sed et si quando percassent, ut ab ipso mitius corriperentur, et non barbaris, ac blasphemis hominibus traderentur ».

« Quæ die autem templum ab alienigenis pollutum fuerat, contigit eadem die purificationem fieri, vigesima quinta mensis, qui fuit casleu ».

« Et cum lætitia diebus octo egerunt in modum tabernaculorum, reordantes quod ante modicum temporis diem solennem tabernaculorum in montibus et in speluncis more bestiarum egerant ».

« Propter quod thyrsos, et ramos virides, et palmas præferrebant ei, qui prosperavit mundari locum suum ».

« Et decreverunt communi præcepto et decreto universæ genti Iudæorum omnibus annis agere dies istos ».

« At Antiochi quidem, qui appellatus est Nobilis, vite excessus ita se habuit ».

« Nunc autem de Eupatore, Antiochi impii filio, quæ gesta sunt narrabimus, breviantes mala quæ in bellis gesta sunt ».

« Hic enim, suscepto regno, constituit super negotia regni Lysiam quemdam, Phœnicis et Syriæ militiæ principem ».

« Nam Ptolemæus, qui dicebatur Mæcer, justitiam, erga Iudæos esse constituit, et præcipue iniquitatem quæ facta erat in eos, et pacifice agere cum eis ».

« Sed ob hoc accusatus ab amicis apud Eupatorem, cum frequenter proditor audiret, eo quod Cyprum creditam sibi a Philometore, deseruisset, et ad Antiochum Nobilem translatus etiam ab eo recessisset, veneno vitam finivit ».

« Gorgias autem, cum esset dux locorum, assumptis advenis, frequenter Iudæos debellabat ».

« Judæi vero, qui tenebant opportunas munitiones, fugatos ab Ierosolymis suscipiebant, et bellare tentabant ».

« Hi vero qui erant cum Machabæo, per orationes Dominum rogantes, ut esset sibi adjutor,

impetum fecerant in munitiones Iudæorum ».

« Multaque vi insistentes, loca obtinuerunt, eo currentes interemerunt, et omnes simul non minus viginti millibus trucidaverunt ».

« Quidam autem, cum confugissent in duas turres valde munitas, omnem apparatus ad repugnandum habentes ».

« Machabæus ad eorum expugnationem, relicto Simone, et Josepho, itemque Zacchæo, eique qui cum ipsis erant, satis multis, ipse ad eas quæ amplius perurgebant, pugnas conversus est ».

« Hi vero, qui cum Simone erant, cupiditate ducti, a quibusdam, qui in turribus erant, suasi sunt pecunia : et septuaginta millibus drachmis acceptis, dimiserunt quosdam effugere ».

« Cum autem Machabæo nuntiatum esset quod factum est, principibus populi congregatis, accusavit, quod pecunia fratres vendidissent, adversariis eorum dimisisse ».

« Hos igitur proditores factos interfecit, et festum duas turres occupavit ».

« Armis autem, ac manibus omnia prospere agendo in duabus munitionibus plus quam viginti millia peremit ».

« At Timotheus, qui prius a Iudæis fuerat superatus, convocato exercitu peregrinæ multitudinis, et congregato equitatu Asiaco, advenit quasi armis Iudæam capturus ».

« Machabæus autem, et qui cum ipso erant, appropinquante illo, deprecabantur Dominum, caput terra aspergentes, lumbosque cilicis præcincti ».

« Ad altaris credidinem provoluti, ut sibi propitius, inimicis autem eorum esset inimicus, et adversariis adversetur, sicut lex dicit ».

« Et ita post orationem, sumptis armis, longius de civitate procedentes, et proximi hostibus effecti resederunt ».

« Primo autem solis ortu utrique commiserunt : isti quidem victoriæ, et prosperitatis sponsorem cum virtute Dominum habentes : illi autem ducem belli animum habebant ».

« Sed, cum vehemens pugna esset, apparuerunt adversariis de celo viri quinque in equis, frenis aureis decorati, ducatum Iudæis præstantes ».

« Ex quibus duo Machabæum medium habentes, armis suis circumseptum incolumen conservabant : in adversarios autem tela, et fulmina jacebant, ex quo et cæcitate confusi, et repleti perturbatione cadebant ».

¹ Ita et Græcus præfert ἐπὶ τῶν φιλῶν : Vulgati autem alii libri habent « ab inimicis ».

« Interfecti sunt autem viginti millia quingenti, et equites sexcenti ».

« Timotheus vero confugit in Gazaram praesidium munitum, cui praerat Cheraeus ».

« Macchabaeus autem, et qui cum eo erant, lactantes obsederunt praesidium diebus quatuor ».

« At hi, qui intus erant, loci firmitate confisi, supra modum male dicebant, et sermones nefandos jactabant ».

« Sed cum dies quinta illucesceret, viginti juvenes ex his, qui cum Macchabaeo erant, accensi animis propter blasphemiam, viriliter accesserunt ad murum, et feroci animo incedentes ascendebant ».

« Sed et alii similiter ascendentes, turres, portasque succendere aggressi sunt, atque ipsos maledicos vivos concremavit ».

« Per continuum autem biduum praesidium vastato, Timotheum occultantem se in quodam reperit loco peremerunt: et fratrem illum Cheraeam, et Apolophanem occiderunt ».

« Quibus gestis, in hymnis et confessionibus benedicebant Dominum, qui magna fecit in Israel, et victoriam dedit illis ».

CAPUT XI.

« Sed parvo post tempore, Lysias procurator regis, et propinquus, ac negotiorum prepositus, graviter ferens de his quae occiderant ».

« Congregatis octoginta millibus, et equitatu universo, veniebat adversus Iudaeos, existimans se civitatem quidem captam gentibus habitaculum facturum ».

« Templum vero in pecuniae questum, sicut caetera delubra gentium habiturum, et per singulos annos venale sacerdotum »:

« Nusquam recogitans Dei potestatem, sed mente effrenatus in multitudine peditum, et in millibus equitum, et in octoginta elephantis confidebat ».

« Ingressus autem Judaeam, et appropians Bethsuram, quae erat in angusto loco, ab Ierosolyma intervallo quinque stadiorum, illud praesidium expugnabat ».

« Ut autem Macchabaeus, et qui cum eo erant, cognoverunt expugnari praesidia, cum fetu et lacrymis rogabant Dominum, et omnis turba simul,

ut bonum Angelum mitteret ad salutem Israel ».

« Et ipse primus Macchabaeus, sumptis armis, caeteros adhortatus est simul secum periculum subire, et ferre auxilium fratribus suis ».

« Cumque pariter prompto animo procederent, Ierosolymis apparuit praecedens eorum equus in veste candida, armis aureis hastam vibrans ».

« Tunc omnes simul benedixerunt misericordem Dominum, et convaluerunt animis: non solum homines, sed et bestias ferocissimas, et muros ferreos parati penetrare ».

« Ibant igitur prompti, de caelo habentes adiutorem, et miserantem super eos Dominum ».

« Leonum autem more impetu irruentes in hostes, prostraverunt ex eis undecim millia peditum, et equitum mille sexcentos ».

« Universos autem in fugam verterunt: plures autem ex eis vulnerati nudi evaserunt. Sed et ipse Lysias turpiter fugiens evasit ».

« Et quia non insensatus erat, secum ipse reputans, factam erga se diminutionem, et intelligens invictos esse Hebraeos, omnipotentis Dei auxilio innitentes, misit ad eos »:

« Promisitque se consensus omnibus qua iusta sunt, et regem compulsurum amicum fieri ».

« Annuit autem Macchabaeus precibus Lysiae, in omnibus utilitati consulens: et quocumque Macchabaeus scripsit Lysiae de Iudaeis, ea rex concessit »:

« Nam erant scriptae Iudaeis epistolae a Lysia quidem hunc modum continentes: Lysias populo Iudaeorum salutem ».

« Joannes, et Abesalon, qui missi fuerant a vobis, tradentes scripta, postulabant, ut ea, qua per illos significabantur, implerem ».

« Quocumque igitur regi potuerunt perferri, exposui: et qua res permittebat, concessi [Al. concessi] ».

« Si igitur in negotiis fidem conservaveritis et deinceps honorum vobis causa esse tentabo ».

« De caeteris autem per singula verbo mandavi et istis, et his qui a me missi sunt, colloqui vobiscum ».

« Bene valete. Anno centesimo quadragesimo octavo mensis Dioscori, die vigesima et quarta ».

« Regis autem epistola ista continebat: Rex Antiochus Lysiae fratri salutem ».

« Patre nostro inter deos translato, nos volen-

tes eos, qui sunt in regno nostro, sine tumultu agere, et rebus suis adhibere diligentiam ».

« Audivimus Iudaeos non consensisse patri meo, ut transferrentur ad ritum Graecorum, sed tenere velle suum institutum, ac propterea postulare a nobis concedi sibi legitima sua ».

« Volentes igitur hanc quoque gentem esse, statuantes iudicavimus, templum restitui illis, ut agerent secundum suorum majorum consuetudinem ».

« Bene igitur feceris, si miscri ad eos, et dexteram dederis: ut cognita nostra voluntate, bono animo sint, et utilitatibus propriis deserviant ».

« Ad Iudaeos vero regi epistola talis erat »:

« Rex Antiochus senatui Iudaeorum, et caeteris Iudaeis salutem ».

« Si valeatis, sic estis ut volumus: sed et ipsi bene valeamus ».

« Adiit nos Menelaus, dicens, velle vos descendere ad vestros, qui sunt apud nos ».

« His igitur, qui commeant usque ad diem trigesimum mensis Xanthici, damus dextras securitatis ».

« Ut Iudaei utantur cibis, et legibus suis, sicut et prius: et nemo eorum ullo modo modestiam patiat de his, quae per ignorantiam gesta sunt ».

« Misimus autem et Menelaum, qui vobis alloquatur ».

« Valete. Anno centesimo quadragesimo octavo, Xanthici mensis quinta decima die ».

« Miserunt autem etiam Romani epistolam, ita se habentem »:

« Quintus Memmius, et Titus Manilius legati Romanorum, populo Iudaeorum salutem ».

« De his, quae Lysias cognatus regis concessit vobis, et nos concessimus ».

« De quibus autem ad regem iudicavit referendum, confestim aliquem mittite, diligentius inter vos conferentes, ut decernamus, sicut congruit vobis: nos enim Antiochiam accedimus ».

« Ideoque festinate rescribere, ut nos quoque sciamus cuius estis voluntatis ».

« Bene valete. Anno centesimo quadragesimo octavo, quinta decima die mensis Xanthici ».

CAPUT XII.

« His factis pactionibus, Lysias pergebat ad regem, Iudaei autem agriculturae operam dabant ».

« Sed hi, qui resederant, Timotheus, et Apollo-

nus Gennei filius, sed et Hieronymus, et Demophon super hos, et Nicanor Cypriarches non sinebant eos in silentio agere, et quiete ».

« Joppita vero tale quoddam flagitium perpetravit: rogarunt Iudaeos, cum quibus habitabant, ascendere scaphas, quas paraverant, cum uxoribus, et filiis, quasi nullis inimicitibus inter eos subiacentibus ».

« Secundum commune itaque decretum civitatis, et ipsis acquiescentibus, pacisque causa nihil suspectum habitentibus, cum in altum processissent, submerserunt non minus ducentos »:

« Quam crudelitatem Judas in suis gentis homines factam, ut cognovit, praecepit viris, qui erant cum ipso: et invocato justo iudice Deo ».

« Venit adversus interfectores fratrum, et portum quidem noctu succendit, scaphas exussit, eos autem, qui ab igne refugerant, gladio peremit ».

« Et cum haec ita egisset, discessit quasi iterum reversurus, et universos Joppitas eradicaturus ».

« Sed cum cognovisset, et eos, qui erant Jamnia, velle pari modo facere habitantibus secum Iudaeis ».

« Jamnitis quoque nocte supervenit, et portum cum navibus succendit: ita ut lumen ignis appareret Ierosolymis a stadiis ducentis quadraginta ».

« Inde cum jam abiissent novem stadiis, et iter facerent ad Timotheum, commiserunt cum eo Arabes quinque millia viri, et equites quingenti ».

« Cumque pugna valida fieret, et auxilio Dei prospere cessisset, residui Arabes victi, petebant a Iuda dexteram sibi dari, promittentes se pasqua daturos, et in caeteris profuturos ».

« Judas autem, arbitratus vere in multis eos utiles, promisit pacem: dextrisque acceptis, discessere ad tabernacula sua ».

« Aggressus est autem et civitatem quamdam firmam pontibus murisque circumseptam, quae a turribus habitabatur gentium promiscuarum, cui nomen Caspium ».

« Hi vero, qui intus erant, confidentes in stabilitate murorum, et apparatu alimoniarum, remissius agebant, maledictis lacescentes Judam, et blasphemantes, ac loquentes quae fas non est ».

« Macchabaeus autem, invocato magno mundi Principe, qui sine arietibus, et machinis temporibus Jesu praecipitavit Jericho, irruit ferociter muris »:

« Et capta civitate per Domini voluntatem, in-

¹ Voculas « et istis » Vulgati alii libri tacent, quae sunt tamen in Graeco, τοῖσιν; ἡ καὶ τοῖσιν; καὶ ἰσὺν, κ. τ. λ.

numerabiles cædes fecit, ita ut adjacens stagnum stadium duorum latitudinis, sanguine interfectorum fluere videretur ».

« Inde discesserunt stadia septingenta quinquaginta, et venerunt in Characa ad eos, qui dicuntur Tubianei, Judæos »:

« Et Timotheum quidem in illis locis non comprehenderunt, nulloque negotio perfecto regressus est, relicto in quodam loco firmissimo præsidio ».

« Dositheus autem, et Sospater, qui erant duces cum Macchabæo, peremerunt a Timotheo relictos in præsidio, decem millia viros ».

« At Macchabæus, ordinatis circum se sex milibus, et constitutis per cohortes, adversus Timotheum processit, habentem secum centum viginti millia peditum, equitumque duo millia quingentos ».

« Cognito autem Judæ adventu, Timotheus premisit mulieres, et filios, et reliquum apparatus, in præsidium, quod Carnion dicitur: erat enim inexpugnabile, et accessu difficile propter locorum angustias »:

« Cumque cohors Judæ prima apparisset, timor hostibus incussus est, ex presentia Dei, qui universa conspici, et in fugam versi sunt alius ab alio, ita ut magis a suis dejicerentur, et gladiorum suorum ictibus debilitarentur ».

« Judas autem vehementer instabat puniens profanos, et prostravit ex eis triginta millia viro- rum ».

« Ipse vero Timotheus incidit in partes Dosithei, et Sospatris: et nullis precibus postulabat, ut vivus dimitteretur, eo quod multorum ex Judæis parentes haberet, ac fratres, quos morte ejus decipi eveniret ».

« Et cum fidem dedisset restitutum se eos secundum constitutum, illasum eum dimiserunt propter fratrum salutem ».

« Judas autem egressus est ad Carnion, interfectis viginti quinque millibus ».

« Post horum fugam, et necem, movit exercitum ad Ephron civitatem munitam, in qua multitudo diversarum gentium habitabat: et robusti juvenes pro muris consistentes, fortiter repugnabant: in hac autem machina multa, et telorum erat apparatus ».

« Sed cum Omnipotentem invocassent, qui potestate sua vires hostium confringit, ceperunt civitatem: et ex eis, qui intus erant, viginti quinque millia prostraverunt ».

« Inde civitatem Scytharum abierunt, quæ ab Jerosolymis sexcentis stadiis aberat ».

« Contestantibus autem his, qui apud Scythopolitas erant, Judæis, quod benigne ab eis haberentur, etiam temporibus infelicitatis quod modeste egerint »:

« Gratias agentes eis, et exhortati etiam de cætero erga genus suum benignos esse, venerunt Jerosolymam, die solemnè septimanarum instante »:

« Et post pentecosten abierunt contra Gorgiam prepositum Idumææ ».

« Exivit autem cum peditibus tribus millibus et equitibus quadringentis ».

« Quibus congressis, contigit paucos ruere Judæorum ».

« Dositheus vero quidam de Bacenoris eques, vir fortis, Gorgiam tenebat: et cum vellet illum capere vivum, eques quidam de Thracibus irruit in eum, humerumque ejus amputavit, atque ita Gorgias effugit in Maresa ».

« At illis, qui cum Esdrin erant, diutius pugnantibus et fatigatis, invocavit Judas Dominum adiutorem, et ducem belli fieri »:

« Incipiens voce patria, et cum hymnis, clamorem extollens, fugam Gorgiæ militibus incussit. Judas autem, collecto exercitu, venit in civitatem Odollam: et, cum septima dies superveniret, secundum consuetudinem purificati, in eodem loco sabbatum egerunt ».

« Et sequenti die venit cum suis Judas, ut corpora prostratorum tolleret, et cum parentibus poneret in sepulcris paternis ».

« Invenerunt autem sub tunicis interfectorum de donariis idolorum, que apud Jamniam fuerunt, a quibus lex prohibet Judæos: omnibus ergo manifestum factum est, ob hanc causam eos corruisse ».

« Omnes itaque benedixerunt justum judicium Domini, qui occulta fecerat manifesta ».

« Atque ita ad preces conversi, rogaverunt, ut id, quod factum erat, delictum oblivioni traderetur. At vero fortissimus Judas hortabatur populum conservare se sine peccato, sub oculis videntes, que facta sunt pro peccatis eorum, qui prostrati sunt ».

« Et facta collatione, duodecim millia drachmas argenti misit Jerosolymam offerri pro peccatis mortuorum sacrificium, bene et religiose de resurrectione cogitans ».

« (Nisi enim eos, qui ceciderant, resurrectores

speraret, superfluum videretur, et vanum orare pro mortuis ».)

« Et quia considerabat quod hi, qui cum pietate dormitionem acceperant, optimam haberent repositam gratiam »:

« Sancta ergo, et salubris est cogitatio de defunctis exorare, ut a peccatis solvantur ».

CAPUT XIII.

« Anno centesimo quadagesimo nono, cognovit Judas Antiochum Eupatorem venire cum multitudo adversus Judæam ».

« Et cum eo Lysiam procuratorem, et prepositum negotiorum, secum habentem peditum centum decem millia, et equitum quinque millia, et [Al. tac. et] elefantos viginti duos, currus cum falcibus trecentos ».

« Commisit autem se illis et Menelaus: et cum multa fallacia deprecabatur Antiochum, non pro patriæ salute, sed sperans se constitui in principatum ».

« Sed rex regum suscitavit animos Antiochi in peccatorem: et suggerente Lysia hunc esse causam omnium malorum, jussit (ut eis est consuetudo) apprehensum in eodem loco necari ».

« Erat autem in eodem loco turris quinquaginta cubitorum, aggestum undique habens cineris: hæc prospectum habebat in præceps ».

« Inde in cinerem dejici jussit sacrilegum, omnibus eum propellentibus ad interitum ».

« Et tali lege prævaricatorum legis contigit mori, nec terræ dari Menelaum ».

« Et quidem satis justè: nam quia multa erga aram Dei delicta commisit, cuius ignis, et cinis erat sanctus, ipse in cineris morte damnatus est ».

« Sed rex mente effrenatus veniebat, nequiorum se patrie suo Judæis ostensurus ».

« Quibus Judas cognitis, præcepit populo, ut die ac nocte Dominum invocarent, qui, sicut semper, et nunc adjuvaret eos ».

« Quippe qui lege, et patria, sanctoque templo privari vererentur: ac populum, qui nuper paululum respirasset, ne sineret blasphemis rursus nationibus subdi ».

« Omnibus itaque simul id facientibus, et tentibus a Domino misericordiam cum fletu et jejuniis, per triduum continuum prostratis, hortatus est eos Judas, ut se præpararent ».

« Ipse vero cum senioribus cogitavit prius

quam rex admoveat exercitum ad Judæam, et obtineret civitatem, exire, et Domini judicio committere exitum rei ».

« Dans itaque potestatem omnium Deo mundi creatori, et exhortatus suos, ut fortiter dimicarent, et usque ad mortem pro legibus, templo, civitate, patria, et civibus starent, circa Modin exercitum constituit ».

« Et dato signo suis Dei victoria, juvenibus fortissimis electis, nocte aggressus aulaam regiam, in castris interfecit viros quatuor millia, et maximum elephantorum cum his qui superpositi fuerant »:

« Summoque metu, ac perturbatione hostium castra replentes, rebus prospere gestis, abierunt ».

« Hoc autem factum est die illucescente, adjuvante eum Domini protectione ».

« Sed rex, accepto gustu audacia Judæorum, arte difficultatem locorum tentabat ».

« Et Bethsure, quæ erat Judæorum præsidium munitum, castra admovebat, sed fugabatur, impingebat, minorabatur ».

« His autem, qui intus erant, Judas necessaria mittebat ».

« Enuntiavit autem mysteria hostibus Rhodocus quidam de Judaico exercitu, qui requisitus comprehensus est, et conclusus ».

« Herum rex sermonem habuit ad eos, qui erant in Bethsuris: dextram dedit: accepit: abiit ».

« Commisit cum Juda: superatus est. Ut autem cognovit rebellasse Philippum Antiochiæ, qui relictus erat super negotia, mente consternatus, Judæos deprecans, subditusque eis, jurat de omnibus, quibus justum visum est: et reconciliatus obtulit sacrificium, honoravit templum, et munera posuit »:

« Macchabæum amplexatus est, et fecit eum a Ptolemaide usque ad Gerrenos ducem et principem ».

« Ut autem venit Ptolemaidam, graviter ferabant Ptolemenses amicitiam conventionem, indignantes, ne forte fodus irrumperent ».

« Tunc ascendit Lysias tribunal, et exposuit rationem, et populum sedavit, regressusque est Antiochiam: et hoc modo regis profectio, et relictus processit ».

CAPUT XIV.

« Sed post triennii tempus cognovit Judas, et qui cum eo erant, Demetrium Seleucæ cum mul-

tiudine valida, et navibus, per portum Tripolis ascendisse ad loca opportuna ».

« Et tenuisse regiones adversus Antiochum, et duceem ejus Lysiam ».

« Alcimus autem quidam, qui summus sacerdos fuerat, sed voluntarie coinquinatus est temporibus commixtionis, considerans nullo modo sibi esse salutem, neque accessum ad altare ».

« Venit ad regem Demetrium centesimo quinquagesimo anno, offerens ei coronam auream, et palmam, super hæc et thallos, qui templi esse videbantur. Et ipsa quidem die siluit ».

« Tempus autem opportunum dementiæ suæ nactus, convocatus a Demetrio ad consilium, et interrogatus quibus rebus et consiliis Judæi niterentur ».

« Respondit: Ipsi, qui dicuntur Assidæi Judæorum, quibus præest Judas Macchabæus, bella nutriunt, et seditiones movent, nec patiuntur regum esse quietum ».

« Nam et ego defraudatus parentum gloria (dico antem summo sacerdotio), huc veni ».

« Primo quidem utilitatibus regis fidem servans, secundo autem etiam [Al. tac. etiam] civibus consulens: nam illorum pravitate universum genus nostrum non minime vexatur ».

« Sed oro, his singulis, o rex, cognitis, et regioni, et generi secundum humanitatem tuam pervulgatam omnibus prospice ».

« Nam, quandiu superest Judas, impossibile est, pacem esse negotiis ».

« Talibus autem ab hoc dictis, et cæteri amici, hostiliter se habentes adversus Judam, inflammaverunt Demetrium ».

« Qui statim Nicanorem præpositum elephatorum ducem misit in Judæam »:

« Datis mandatis, ut ipsum quidem Judam caperet: eos vero, qui cum illo erant, dispergeret, et constitueret Alcimum maximi templi summum sacerdotem ».

« Tunc gentes, quæ de Judæa fugerant Judam, gregatim se Nicanori miscebant, miserias, et clades Judæorum prosperitates rerum suarum existimantes ».

« Audito itaque Judæi Nicanoris adventu, et conventu nationum, conspersi terra rogabant eum, qui populum suum constituit, ut in æternum custodiret, quique suam portionem signis evidentibus protegit ».

« Imperante autem duce, statim inde moverunt, conveneruntque ad castellum Dessau ».

« Simon vero frater commiserat cum Nicanore:

sed conterritus est repente adventu adversariorum ».

« Nicanor tamen, audiens virtutem comitum Judæ, et animi magnitudinem, quam pro patriæ certaminibus habebant, sanguine iudicium facere metuebat ».

« Quamobrem præmisit Posidonium, et Theodosium [Al. Theodotium], et Matthiam, ut darent dextras, atque acciperent ».

« Et cum diu de his consilium ageretur, et ipse dux ad multitudinem retulisset, omnium una fuit sententia amicitias annuere ».

« Itaque diem constituerunt, qua secreto inter se agerent, et singulis sellæ prolatae sunt, et posita ».

« Præcepti autem Judas armatos esse locis opportunis, ne forte ab hostibus repente mali aliquid oriretur: et congruum colloquium fecerunt ».

« Morabatur autem Nicanor Jerosolymis, nihilque inique agebat, gregesque turbarum, qua congregata fuerant, dimisit ».

« Habebat autem Judam semper charum ex animo, et erat viro inclinatus ».

« Rogavitque eum ducere uxorem, filiosque procreare. Nuptias fecit, quiete egit, communitertque vivebant ».

« Alcimus autem, videns charitatem illorum ad invicem, et conventiones, venit ad Demetrium, et dicebat: Nicanorem rebus alienis assentire, Judamque regni insidiosorem successorem sibi destinasse ».

« Itaque rex exasperatus, et pessimis hujus criminationibus irritatus, scripsit Nicanori, dicens, graviter quidem se ferre de amicitie conventionis; jubere tamen Macchabæum citius vincitum mittere Antiochiam ».

« Quibus cognitis, Nicanor consternabatur, et graviter ferebat, si ea, quæ convenerant, irrita faceret, nihil læsus a viro ».

« Sed quia regi resistere non poterat, opportunitatem observabat, qua præceptum perficeret ».

« At Macchabæus, videns secum austerius agere Nicanorem, et consuetum occursum ferociter exhibentem, intelligens non ex bono esse austeritatem istam, paucis suorum congregatis, occultavit se a Nicanore ».

« Quod cum ille fortiter se a viro præventum, venit ad maximum et sanctissimum templum: et sacerdotibus solitas hostias offerentibus, iussit sibi tradi virum ».

« Quibus cum juramento dicentibus, nescire

se ubi esset qui quærebatur extendens manum ad templum ».

« Juravit, dicens: Nisi Judam mihi vincitum tradideritis, istud Dei fanum in planitiem deducam et altare effodiam, et templum hoc Libero patri consecrabo ».

« Et his dictis abiit. Sacerdotes autem protendentes manus in cælum, invocabant eum, qui semper propugnator esset gentis ipsorum, hæc dicentes »:

« Tu, Domine universorum, qui nullius indignus, voluisti templum habitationis tuæ fieri in nobis ».

« Et nunc, sancte sanctorum omnium Domine, conserva in æternum impollutam domum istam, quæ nuper mundata est ».

« Razias autem quidam de senioribus ab Jerosolymis delatus est Nicanori, vir amator civitatis, et bene audiens: qui pro affectu pater Judæorum appellabatur ».

« Hic multis temporibus continentie propositum tenuit in Judaismo, corpusque, et animam tradere contentus pro perseverantia ».

« Volens autem Nicanor manifestare odium, quod habebat in Judæos, misit milites quingentos, ut eum comprehenderent ».

« Patatab enim, si illum deciperet, se cladem Judæis maximam illaturum ».

« Turbis autem irruere in domum ejus, et januam dirumpere, atque ignem admoveere cupientibus, cum jam comprehenderetur, gladio se petiit ».

« Eligens notabiliter mori potius, quam subditus fieri peccatoribus, et contra natales suos indignis injuriis agi ».

« Sed cum per festinationem non certo ictu plagam dedisset, et turbæ intra ostia irrumperent, recurrens audacter ad murum, precipitavit semetipsum viriliter in turbas »:

« Quibus velociter locum dantibus casui ejus, venit per mediam cervicem »:

« Et cum adhuc spiraret, accensus animo, surrexit: et cum sanguis ejus magno fluxu deflueret, et gravissimis vulneribus esset saucius, cursu turbam pertransiit »:

« Et stans supra quamdam petram præruptam, et jam exsanguis effectus, complexus intestina sua, utrisque manibus projecit super turbas, invocans dominatorem vitæ ac spiritus, ut hæc illi iterum redderet: atque ita vita defunctus est ».

CAPUT XV.

« Nicanor autem, ut comperit Judam esse in locis Samaria, cogitavit cum omni impetu die sabbati committere bellum ».

« Judæis vero, qui illum per necessitatem sequerentur, dicentibus: Ne ita ferociter, et barbare feceris, sed honorem tribue diei sanctificationis, et honora eum, qui universa conspiciet »:

« Ille infelix interrogavit, si est potens in cælo, qui imperavit agi diem sabbatorum ».

« Et respondentibus illis: Est Dominus vivus ipse in cælo potens, qui jussit agi septimam diem ».

« Et ille ait: Et ego potens sum super terram, qui impero submi arma, et negotia regis impleri. Tamen non obtinuit, ut consilium perficeret ».

« Et Nicanor quidem cum summa superbia erectus, cogitaverat commune tropeum statuere de Juda ».

« Macchabæus autem semper confidebat cum omni spe auxiliium sibi a Deo a futurum ».

« Et hortabatur suos, ne formidarent ad adventum nationum, sed in mente haberent adjutoria sibi facta de cælo, et nunc sperarent ab Omnipotente sibi affuturam victoriam ».

« Et allocutus eos de lege, et prophetis, admonens etiam certamina, qua fecerant prius, promptiores constituit eos ».

« Et ita animis eorum erectis simul ostendebat gentium fallaciam et juramentorum pravariationem ».

« Singulos autem illorum armavit, non clypei, et haste munitione, sed sermonibus optimis, et exhortationibus, exposito digno fide somnio, per quod universos iustificavit ».

« Erat autem hujusmodi visus: Oniam, qui fuerat summus sacerdos, virum bonum et benignum, verecundum visu, modestum moribus, et eloquio decorum, et qui a puero in virtutibus exercitatus sit, manus protendentem, orare pro omni populo Judæorum »:

« Post hoc apparuisse et alium virum etate, et gloria mirabilem, et magni decoris habitudine circa illum »:

« Respondentem vero Oniam dixisse: Hic est fratrum amator, et populi Israel: hic est, qui multum orat pro populo, et universa sancta civitate, Jeremias propheta Dei ».

« Extendisse autem Jeremiam dextram, et dedisse Judæ gladium aureum, dicentem »:

« Accipe sanctum gladium munus a Deo, in quo dejicies adversarios populi mei Israel ».

« Exhortati itaque Judæ sermonibus bonis valde, de quibus extolli posset impetus, et animi juvenum confortari, statuerunt dimicare, et configere fortiter: ut virtus de negotiis judicaret, eo quod civitas sancta, et templum periclitarentur ».

« Erat enim pro uxoribus, et filiis, itemque pro fratribus, et cognatis minor sollicitudo: maximus vero et primus pro sanctitate timor erat templi ».

« Sed et eos, qui in civitate erant, non minima sollicitudo habebat pro his, qui congressuri erant ».

« Et cum jam omnes sperarent judicium futurum, hostesque adessent, atque exercitus esset ordinatus, bestie, equitesque opportuno in loco compositi ».

« Considerans Machabæus adventum multitudinis, et apparatus variorum armorum, et ferocitatem bestiarum, extendens manus in cælum, prodigia facientem Dominum invocavit, qui non secundum armorum potentiam, sed prout ipsi placet, dat dignis victoriam ».

« Dixit autem invocans hoc [Al. in hoc] modo: Tu, Domine, qui misisti Angelum tuum sub Ezechia rege Juda, et interfecisti de castris Sennacherib centum octoginta quinque millia »:

« Et nunc dominator cælorum, mitte Angelum tuum bonum ante nos in timore, et tremore magnitudinis brachii tui »:

« Et metuant qui cum blasphemia veniunt adversus sanctum populum tuum. Et hic quidem ita peroravit ».

« Nicanor autem, et qui cum ipso erant, cum tubis et canticis admovebant ».

« Judas vero, et qui cum eo erant, invocato Deo, per orationes congressi sunt »:

« Manu quidem pugnantes, sed Dominum cordibus orantes, prostraverunt non minus triginta quinque millia, presentia Dei magnifice delectati »:

Expliciunt libri Machabæorum.

« Cumque cessassent, et cum gaudio redirent, cognoverunt Nicanorem fuisse cum armis suis ».

« Facto itaque clamore, et perturbatione excitata, patria voce omnipotentem Dominum benedicebant ».

« Præcepit autem Judas, qui per omnia corpore et animo mori civibus paratus erat, caput Nicanoris, et manum cum humero abscissam, Jerosolymam perferri ».

« Quo cum pervenisset, convocatis contribulibus, et sacerdotibus ad altare, accessit et eos, qui in arce erant ».

« Et ostenso capite Nicanoris, et manu nefaria, quam extendens contra domum sanctam omnipotentis Dei, magnifice gloriatus est »:

« Linguam impij Nicanoris præcisam jussit particulatim avibus dari: manum autem demens contra templum suspendi ».

« Omnes igitur cæli benedixerunt Dominum, dicentes: Benedictus, qui locum suum incontaminatum servavit ».

« Suspendit autem Nicanoris caput in summa arce, ut evidens esset, et manifestum signum auxilij Dei ».

« Itaque omnes communi consilio decreverunt nullo modo diem istum absque celebritate præterire ».

« Habere autem celebritatem tertia decima die mensis Adar, quod dicitur voce Syriaca, pridie Mardochei diei ».

« Igitur his erga Nicanorem gestis, et ex illis temporibus ab Hebræis civitate possessa, ego quoque in his faciam finem sermonis ».

« Etsi quidem bene, et ut historie competit, hoc et ipse velim: sin autem minus digne, concedendum est mihi ».

« Sicut enim vinum semper bibere, aut semper aquam, contrarium est: alternis autem uti, delectabile: ita legentibus, si semper exactus sit sermo, non erit gratus. Hic ergo erit consummatus ».

S. EUSEBII HIERONYMI

STRIDONENSIS PRESBYTERI,

DIVINÆ BIBLIOTHECÆ

PARS TERTIA,

COMPLECTENS NOVUM TESTAMENTUM.

ORDO EVANGELICUS,

In quo sunt libri: *Matthæus, Marcus, Lucas, Joannes.*

PRÆFATIO HIERONYMI IN QUATUOR EVANGELIA.

Beatissimo papæ Damaso Hieronymus.

Novum opus facere me cogis ex veteri, ut post exemplaria Scripturarum toto orbe dispersa, quasi quidam arbor sedem: et quia inter se variant, quæ sint illa quæ cum Græca consentiant veritate, decernam. Pius labor, sed periculosa præsumptio, judicare de cæteris, ipsum ab omnibus judicandum: senis mutare linguam, et canescentem jam mundum ad initia retrahere parvulorum. Quis enim doctus pariter vel indoctus, cum in manus volumen assumpserit, et a saliva, quam

semel imbibit, viderit discrepare quod lectit non statim erumpat in vocem, me falsarium, me clamans esse sacrilegum, qui audeam aliquid in veteribus libris addere, mutare, corrigere? Adversus quam invidiam duplex causa me consolatur: quod et tu, qui summus Sacerdos es, fieri jubes: et verum non esse quod variat, etiam medicorum testimonio comprobatur. Si enim Latinis exemplaribus fides est adhibenda, respondeant, quibus: tot enim sunt exemplaria² pene

¹ Ex hoc loco, multo autem clarius ex toto subsequenti contextu liquet, non novam ex integro evangeliorum interpretationem Latinam ex Græco Hieronymum adornasse: sed veterem Latinam, quæ vulgo obtinebat, cum Græco originali textu contulisse, eamque, ut ipse inferius ait, codicum « Græcorum, sed veterum collatione », ita « emendasse », ut « ne multum a lectionis Latine consuetudine discreparet, ita calamo temperavit, ut his tantum, quæ sensum videbantur mutare, correctis, reliqua manere pateretur, ut fuerant ».

² Hujusmodi exemplar ex perquam tenui membrana purpureo colore infecta, litteris aureis, atque argenteis summo studio exaratum, velustatis autem tante, ut quantum est, aut certe hactenus innotuit codicum manuscriptorum facile exsuperet, servat etiamnum Veronensis Ecclesiæ bibliotheca: nosque illud ante annos ferme decem perlegimus, atque ex eo excerpta quædam, quæ majoris momenti videbantur, cum alio antiquis-

simo Vercellensis Ecclesiæ, ad quam ea etiam de causa diverteramus, sedulo comparavimus. Et quamquam mutilus uterque sit liber, maleque temporis injuriis effectus, præcipue autem Veronensis, in quo eorum etiam, quæ supersunt, excessæ maximam partem, atque exsolata oculorum aciem effugiunt sæpe litteræ: certis tamen indicibus, quæ et cum res feret, representabimus, ex ea collatione internovimus, verum hoc esse, quod hic s. pater testatur: Tot olim fuisse Latine versionis exemplaria pene quot codices. Nam cum Hieronymianam emendationem certo certius antevertant, atque adeo vetustiores versionem præferant, locis tamen haud sane paucis ita dissentiant, ut ab eodem Latino exemplari, quod apud omnes obtineret, accepta minime videri possint. Idem ex ea didicimus editione evangelij secundum Matthæum, quam Vulgatam antiquam Latinam et Italiam inscripsit, ac singulari libello primæ veteribus mss. publici juris fecit Martinus³